

جَزَائِدُ مَحَاكِمَتِ

۱۲۹۰

جمعه ايرتسی

نومرو	رمضان	سنه	مارت	سنه	صفحه
۷۶۱	۲۰	۱۳۱۱	۵	۱۲۱۰	۱۱۲۰۳

(اشوغزته بهر هفته جمعه ايرتسی کونلری چيقار . سنه لکی در سعادت ایچون مجیدیه یکر می فروش)
 (حسابیله الشمس غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی یته مجیدیه یکر می فروش اولوق اوزره یوز پاره به هر یزده ساتیلور . درج اولنه جق)
 (اعلانلک هر برندن بر مجیدیه اخذ اولنور . سنه لکنه مشتری اولوق استیائلر عدلیه نظارتی)
 (دأره سنده کأئن جریده محاکم اداره سنه مراجعت ایلملیدر)

قسمت‌های

توجیهات

دائرة سی رئیس سابق حسن افندی به
 بغداد ولایتی بدایت محکمه سی مدعی عمومی
 معاونتکی اورفه بدایت محکمه سی جزا دائرة سی
 رئیس سابق احمد نظیف افندی به
 اورفه بدایت محکمه سی جزا دائرة سی ریاستی
 دکزلی سنجانغی بدایت محکمه سی جزا دائرة سی
 رئیس سابق رشدی افندی به تفویض بیورلمش
 وموسی الیهمدن بوراده بولانان رشدی افندی نیک
 مغایر عدالت حرکاتده بولنیه جفته وذات

موصل ولایتی بدایت محکمه سی جزا دائرة سی
 ریاستی حلب ولایتی بدایت محکمه سی جزا دائرة سی
 رئیس سابق رؤف بکه
 حلب ولایتی بدایت محکمه سی جزا دائرة سی
 ریاستی موصل ولایتی بدایت محکمه سی جزا

شوکت‌نامه حضرت خلافت‌نهای و دولت عالی‌ترین
صادقانه ایشای خدمت ایده‌گانه دایره تبلیغی
اجرا اولوب محفل‌ننده بولان دیکر لرینک دخی
اجرای تحقیق‌لری ضمننده بغداد و موصل
ولایت‌لرینه تبلیغات لازمه ایفا قلم‌شدر .

اسکلب قضاسی بدایت محکمه‌سی اعضاسندن
احمد سعید و مستنطق معاون سابق احمد جمال
افندیلرک اسقاط جنینه سبیت و یرمک و اخربک
زوجه منکوحه لرینی جبراً قاجر مرقی ماده لرندن
طولانی مظنون اولان قاضی زاده محمد حقه‌ده
محکمه مذکور استنطاق دائره‌سنجه جریان
ایدن تحقیقات استنطاقی‌بی حاوی اوراق ضایع
ایلدکلری قسط‌مونی ولایتی استیناف مدعی
عمومیلکنندن عدلیه نظارت جلیله‌سنه ارسال
اولنان اوراق تحقیقه‌دن مستبان اولمسلیله مومی
ایهمانک تحت محاکمه‌یه الخیری ضمننده نظارت
مشار الیهادن مذکور مدعی عمومیلکه مأذونیت
وبرمشدر .

قره حصار شرقی سنجانغی بدایت محکمه‌سی
جزا دائره‌سی رئیس نشأت بک طرفندن
بر ضرب ماده‌سنه دایره اولان استیناف دعواسنک
رویتی قرق کون قدر تأخیر ایلدیکی و مستأنفک
حقننده کی حکم ابتدائیک تصدیقه دایره صادر
اولان قراری شرائط لازمه‌سنی بالایضا تمیز
ایلدیکی حالده چند کون تحت توقیفده بر اقلدینی
کبی محکمه مذکورہ اعضاسندن خامبو اغانک
دخی رئیس مومی الیه نامنه مستأنف مرقومدن
رشوت طلبنده بولندینی سیواس ولایتی استیناف
مدعی عمومیلکنندن عدلیه نظارت جلیله‌سنه
کوندریلان اوراق تحقیقه مندرجاتندن مستبان
اولمسلیله رئیس و اعضای مومی ایهمانک تحت
محاکمه‌یه الخیری ضمننده نظارت مشار الیهادن
مذکور مدعی عمومیلکه مأذونیت و برمشدر .

لازستان سنجانغی بدایت محکمه‌سی مستنطق
صبری افندیلرک امور مأموره‌سنجه سابقه
ارتشا ایله خلاف اصول و نظام معاملاتہ جرات
ایلدیکی طرزون ولایتی استیناف مدعی
عمومیلکنندن عدلیه نظارت جلیله‌سنه مبعوث
اوراق تحقیقه مندرجاتندن مستبان اولمسلیله
مستنطق مومی ایهمک تحت محاکمه‌یه الخیری ایچون

نظارت مشار الیهادن ذکر اولنان مدعی عمومیلکه
تبلیغات لازمه اجرا اولمشدر .

توزیع اولنمق اوزره مالیه نظارت جلیله‌سندن
کوندرلش اولان اعلان ورقه‌سندن لزومی
مقداری داخل دائره مأموریتلر ننده بولنان محاکمه
تبلیغی ضمننده اشبو تخریراتک نسخه کافیه‌سیله معاً
ولفا ارسال و اسرا فلندینی بیانیه شقه .

درسمات بدایت محکمه‌سی برنجی جزا
دایره سنک ۱۳۰۹ سنه سنه مخصوص استانستق
جدولیدر .

(فی ۲۱ شعبان سنه ۳۱۱ وفی ۱۵ شباط)
(سنه ۳۰۹ تاریخنده بالجمله ولایات استیناف)
(محکمه‌سی مدعی عمومیلرینه و مدعی عمومی)
(بولنمیان محفل مدعی عمومی معاونلرینه یازیلان)
(تخریرات عمومی صور تیدر)

عدد
۱۲۴ اوچبوز سکر سنه سندن مدور مواد
۲۲۴۳ اوچبوز طقوز سنه سنده ورود ایدن مواد
۲۳۶۷
۲۱۵۵ اوچبوز طقوز سنه سنده تحت حکم
و قراره النان
۳۹ اسباب قانونیه‌یه مبنی اعاده قلنان
۳ تعلق جهتله برلشدیریلان
۱۷۰ اوچبوز اون سنه سنه دور ایدیلان
۲۳۶۷

رسم تمفا قانوننک اجنیلر حقننده فی ۷
کانون اول سنه ۳۰۹ تاریخندن اعتباراً اوج آی
نهایتنده موقع اجرایه وضعی حقننده شرفتمعلق
بیوریلان اراده سنیه حضرت پادشاهی اوزرینه
مذکور اوج آی نهایتده دکن کرک حین تنظیملر ننده
اوزر لرینه هیچ پول یا پشیدیرلماش و کرک پولی
نسبت نظامیه‌سندن نقصان بولنمش اولان اوراق
وسندانک قانون مذکورہ صورت توقیفنه دایره
دیون عمومیہ اداره‌سنجه طبع اولنوب محاکمه

قسم غیر رسمی

شریفه خانم جانبندن بالوصیان وقوعبولان
 مداخلةك منغی طلب ودعوی واثبات مدعی
 ذمتده بر قطعه سند خاقانی ابراز واعطا اتمی
 و مزبورہ شریفه خانم دخی اراضی مذکورہ
 وصیبی اولدینی حاجی ایتمک جدولرندن
 منتقلاً عہدہ تصرفده اولدینی مدافعة بالیان
 بر قطعه سند ابراز ایلمسی اوزرینہ جریان ایدن
 محاکمہ وتدقیقات نتیجہ سنده اراضی مذکورہ مک
 محکمده اجرای کشفی ضمنده تعیین قلنان نائب
 طرفندن کشف وتحققاتی متضمن اعطا اولنان
 راپور مندرجانہ نظراً اراضی مذکورہ مک
 مدعی مزبورہ حوا خانمک تحت تصرفده
 اولدیی مبرز طاہو سندی ایله تین ایتمہ
 ووصی مزبورہ شریفه خانمک استناد ایلدییگی
 طاہو سندینک منازع فیہ اراضی بہ شمولی
 اولدینی اکلاشلمش اولسنہ بناء مجله مک
 بیک یدیوز اونوز یدیجی واصل محاکمہ حقوقیہ
 قانونک طقسانجی مادہ لری موجبہ مزبورہ
 شریفه خانمک ترلای مذکوردن منع مداخلة سہ
 حکمدن ومستدعیہ تمیز مزبورہ شریفه خانمک
 اشبو اعلام علیہندہ لایجہ سنده محرر اعتراضاتک
 باشلوچہ سی خصمی مزبورہ جانبندن ابراز اولنان
 سندہ منازع فیہ ترلانک اطراف اربمہ سی ذکر

کوتاہیہ بدایت محکمہ سندن فی ۵ اغستوس
 سنہ ۳۰۷ تاریخی واون بش عددی ایله ویریلان
 اعلامک تمیزی استدعا ایدن کوتاہیہ سنجانہ
 تابع کش ناحیہ سنک یقہ چہ قریہ سنده مقیم حاجی
 حسن ایتمی وصیبی شریفه خانم ایله تمیز علیہما
 کوتاہیہ دہ ساکنہ عساکر ضبطیہ یوز باشیبی
 علی اغا زوجہ سی حوا خانم یوم معینده دائرہ
 کلدکری کبی تمیز علیہما جانبندن جواب لایجہ سی
 دخی کوندردیکندن باش مدعی عمومہ مک
 مأموریت عالیہ سنک مطالعہ نامہ سی التدقدنصرہ
 اصول محاکمہ حقوقیہ قانون موقتک ایکوز
 یکرمی طقوزنجی مادہ سی موجبہ تدقیقات تمیزیہ
 اجرا سہ ابتدار اولندی .

اعلام مذکورک خلاصہ مالی مزبورہ حوا
 خانمک یقہ چہ قریہ سنده باطاہو متصرف اولدینی
 معلوم الحدود ایکی دوئم مقداری ترلا سہ مزبورہ

ایدلیوب یالکز اوج طرفی مذکور اولسی
 سند مذکورده محرر اولمیان جہتک وصیبی
 اولدینی ایتمک ترلاری اولدینی اثباتہ کافی
 بولمش ایکن محکمہ مذکورہ چہ بوراسنہ دقت
 اولنامسی مغایر قانون اولدیغندن بختلہ اعلامک
 نقضی استدعاسندن ومار البیان مطالعہ مندرجاتی
 دخی توجه خصومت ضمنده اولبول ذی الید
 مادہ سی تدقیق ایتمک لازم کاور ایکن اشبو
 معاملہ قانونیہ محکمہ چہ اجرا ایدلیوب کشف
 مأموری طرفندن خارج از مآذونیت ایضا اولمش
 وائتای محاکمہ دہ مدعی عمومینک مطالعہ سی استماع
 اولمندی کبی اراضی مأموری دخی حاضر
 بولمدریلامش واجراً قلنان کشف اصول
 محاکمہ مک التمش اوچنجی مادہ سی احکام سہ
 توفیق ایدلامش اولسنہ مبنی اعتراضات
 واقعہ مک موافق قانون اولدینی بیاندن عبارت
 بولمشدر .

ایجابی مذاکرہ اولندقدیرہ اعلام مذکور
 مطالعہ سندن منہم اولدینی اوزرہ دعوا ی
 واقعہ مک عقار نوعندن اولان اراضی بہ متعلق
 وایتامہ عائد اولسلیہ ائتای محاکمہ سنده مدعی
 عمومی وارضی مأمورینک حاضر بولمدریبلہرق

ارضی مذکورہ بہ کیمک طرفندن وضع ید
 ایدلیوبی محکمہ چہ استماع شہود ایله اثبات
 ایدریلمسی لازم کاور ایکن محکمہ مذکورہ چہ
 مأمور مومی البہمانک محاکمہ دہ حاضر
 بولمدریلامسی ودی الید مادہ ستنک خارج از
 مآذونیت کشف فائبی طرفندن استماع اولنان
 شہودک شہادتہ بنا ایدلمسی مخالف قانون
 اولدینی کبی اراضی مذکورہ حقتدہ اجرا
 قلنان کشفک دخی اصول محاکمہ حقوقیہ
 قانونک التمش اوچنجی مادہ سہ توفیق ایدلمسی
 ومنازع اراضی بی کشفہ مأمور نائب حکمہ
 مآذون اولدینی حالہ نائب مومی ایله طرفندن
 ویرلمش اولان راپورہ بنسای حکم اولمسی
 یولسز واصل وقانونہ مغایر وسالف الذکر
 مطالعہ نامہ مندرجاتی دخی موافق نفس الامر
 کورلا یکنہ بناء قانون مزبورک ایکیبوز قرق
 برنجی مادہ سی موجبہ اعلام مذکورک تقضیلہ
 قانون مزبورک ایکیبوز قرق دردیجی مادہ سی
 حکمنہ توفیقاً کیفیتک صور مشروحہ دائرہ سنده
 یکیدن بالرویہ اعلامہ ربطی ضمنده محکمہ
 مذکورہ بہ اعادہ سہ ومستدعیہ تمیزک بیقدرت
 اولسنہ مبنی قیدیہ وتبلیغ حر جبرندن معاف
 طوتیلہرق یالکز زبرده مفرداتی مرقم ایکیبوز

اون اوج بچق غروش مصارف سائر نك
ايلروده حقسز چيقه جق طرفه رجوع ايتك
اوزره اول امرده مستدعيه مزبوردهن التمسنه
في ۲۹ تموز سنه ۳۰۹ تاريخنده متفقاً قرار
ويرلدي .

اعلام مذكورك خلاصه مالى مزبوره
ابزلاطو قادينك قريه مذكورهده دوينه نام محله
كان جدى متوفى ملومدن انتقالاً قز قزداشيله
مشترکاً تحت تصرفده اولان معلوم الحدود
درت قطعده درت دوئم بر اولك اراضى به
مرقوم انكل طودورينك مداخله ايتكده
اولدينى استماع اولنان شهودك شهادتيله تحقق
ايتديكندن مرقوم انكلك اراضى مذكوره نك
تقضنه واقع اولان مداخله سنك منعه حكمدن
ومستدعينك اشبو حكم عليهمده اولان لايحه سنده
محرر اعتراضك خلاصه سى منازع فيه اولان
اراضيده حق قرارى ثابت اولغله على الاصول
طابويه ربط ايدلمش اولدينى حالده محكمه جه
بلا تدقيق ابكى شاهدك شهادتنه بنای حكم
اولتمسى يولمىز وقانوننه مغاير اولديغندن بختله
اعلامك تقضى استدعاسندن عبارتدر .

ايجابى مذاكره اولدقده اعلام مذكور
مندرجاتندن منقهم اولدينى اوزره دعواى واقعه
عقاره متعلق اولدينى وبوكى عقار دعوالرنده
اول امرده ذى البسك بالينه ثبوتى مقتضى
بولندينى حالده محكمه جه بوجهندن زهول
اولندينى كى استماع اولنان شاهدك دعوايه

تيور حصار بدايت محكمه سنندن في ۱۲
تشرين تانى سنه ۳۰۳ تاريخى وطقسان عددى ايله
ويريلان اعلامك تميزينى استدعا ايدن تيور حصار
قضاسنه تابع راسته قريه سننده مقيم رنجبر انكل
ولد طودورى ايله بيمز عليها قريه مذكورهده
ساكنه ابزلاطو قادين يوم معينده دائريه
كلكلى كى جواب لايحه سى دخى ويرلمديكندن
اصول محاكمه حقوقه قانونك ايكويوز يكرمى
طقوزنجى ماده سى موجبجه تدقيقات تميزيه
اجراسنه ابتدار قلندي .

موافق شهادت ايتدكلى بيانيله شهادتلىرينك
نه يولده ايدوكنسك اعلامده تصريح ايدلمسى
ومنازع فيه ترلارك تصرفنه دائر مدعيه ابزلاطو
يدينده سند اولوب اولمدينى تحقيق اولمدينى
تقديرده قيود خاقاينك تدقيق اولتمسى ايجاب
ايدركن بو نقطه يه دخى رعايت اولتمسى يولمىز
وقانونه مغاير اولديغندن اصول محاكمه حقوقه
قانونك ايكويوز اوتوز ايكنجى وايكويوز قرق
برنجى ماده لرى موجبجه اعلام مذكورك
نقضيله قانون مذكورك ايكويوز قرق دردننجى
ماده سى حكمنه توفيقاً كيفيتك يكيدن بالرؤيه
اعلامه ربطى ضمننده محكمه مذكوره يه اعاده سنه
وزيرده مفردانى مرقوم در تيوز اون درت بچق غروش
مصارف تميزيه نك ايلروده حقسز چيقه جق
طرفه رجوع ايتك اوزره اول امرده مستدعي
تميز انكلدن التمسنه في ۱۵ شباط سنه ۳۰۷
تاريخنده متفقاً قرار ويرلدي .

نيكده بدايت محكمه سنندن في ۸ مايس سنه
۳۰۴ تاريخى واون ابكى عددى ايله استينافاً
صادر اولان اعلامك تميزينى استدعا ايدن نوشهر
منافع صندوقى وكلى حاجى مصطفى افندى ايله
مدعى عليه نوشهرده مقيم سفر زاده محمد افندى
كلكلرندن باش مدعى عمومى معاو نلرندن سعادتلو
يورخاكي افنديك مطالعه نامه سى التديقده نصكره
اصول محاكمه حقوقه قانونك ايكويوز يكرمى
طقوزنجى ماده سى موجبجه تدقيقات تميزيه
اجراسنه ابتدار قلندي .

اعلام مذكورك خلاصه مالى نوشهر منافع
صندوقى وكلى عبدالقادر افنديك موسى اليه محمد افنديك
جهت كفالتدن مذكور صندوقه دى اولدينى
اقراريله ثابت اولان ابكى بيك بشيوز اللى ابكى
غروشك مع فائض بالغ اولدينى بش بيك يوز
بش غروشك ايرا يوز اوتوز غروش حسابيله
موسى اليه محمد افنديك تحصيلنه دائر استحصال
ايلديكى اعلام ابتداينك استينافاً فسخيله مبلغ
مذكور بش بيك كسور غروشك درت بچق
قائمه بر ليرا اعتباريله افندى موسى اليه
تحصيلنه حكمدن ومستدعي تميزك اشبو حكم
عليه نده كى اعتراضاتك باشلوجه سى مدعا بكم

اصلي بش بيك غروشدن دون اولوب قابل
استيناف اولديني حالده بوراسنه دقت اولتمسزبن
دعوانك استينافاً رؤيت واستماع اولمسي قانونه
مغاير اولديغندن بحمله اعلامك نقضى
استدعاسندن ومدعى عليهك نتيجة جوانى دخى
حكم ابتدائى بش بيك غروشى متجاوز بناء
عليه دعوى قابل استيناف بولنديني جهته
اعتراض مذكورك ردى واعلامك تصديقي
طلبندن ومعاون مومى اليهك مطالعهسى دخى
دعواى واقعه بش بيك غروشدن دون برمبلغ
حقنده اوله رق قانوناً قابل استيناف بولنديني
حالده نيكده بدايت محكمه سنجه استيناف طريقه
رؤيت اولمسي وظيفه خارجنده اولديني بيانندن
عبارت بولمشدر .

ايجابى مذاكره اولدقده اعلام مذكور
مندرجاتندن منفهم اولديني اوزره بدايت مدعى
بولسان منافع صندوقى وكيلىك اقامه ايله يكي
دعوى ايكي بيك بشيوز اللى ايكي غروشدن
عبارت وحد استينافندن دون بولنديني جهته
دعواى مذكوره اصول محاكمه حقوقيه قانونك

بوز يتمش درديجى مادهسى حكمنجه قابل
استيناف اولديني حالده محكمه مذكوره چه
استيناف استدعاسنك رد ايدلسى لازم كلور
ايكن بوراسنه دقت اولتمسزبن دعوانك استينافاً
فصل ورؤيتله بر منوال محرر حكم اولمسي
قانونه مغاير اولديقه ومعاون مومى اليهك
مطالعهسى دخى موافق نفس الامر كورنديكنه
بناء اصول محاكمه حقوقيه قانونك ايكيوز
اونوز ايكي وايكيوز قرق برنجى ماده لرى
احكامته توفيقاً اعلام مذكورك نقضه وزبرده
مقداتى مرقم اوچيوز اون سكر غروش
اونپاره مصارف محاكمه نك ايلزوده حقنر
چيحق طرفه رجوع ايتك اوزره اول امرده
مستدعى تميزدن الخمسنه فى ۲۸ ايلول سنه
۳۰۷ تاريخنده متفقاً قرار ویرلدى .

ازمير بدايت محكمه سندن فى ۲۴ كانون اول
سنه ۳۰۸ تاريخى وايكيوز اللى بش عددى ايله
استينافاً ويريلان اعلامك تميزينى اوزله
قصبه سنده مقيم حاجى ايليا اوغلى يوركى
با عرضحال استدعا ايتديكي حالده يوم معينده
دايره كليوب بميز عليه قصبه مذكوره ساكن
مانول قوقوله وكيلى عرفان بك ورود ايتمش
اولسيله ايضاحات شفاهيه سيله باش مدعى عمومى
معاونلرندن سعادتلو يورغاكي افتدينك مطالعهسى
استماع اولدقده نصكره تدقيقات تميزيه اجراسنه
ابتدار قلندي .

اعلام مذكورك خلاصه مالى مرقوم
يوركينك اورله داخلنده اوواحق نام محمله
كائن عهده تصرفنده بولسان معلوم الحدود
بر قطع باغى مرقوم مانول قوقوله يه اولان
دينندن طولايى بالمزايده بدل معلوم مقابلنده
ينانى ناكسنه يه فروخت ايدلمش ايسده بيع
واقك فسخيله مشترى مرقومك مرتبهنى مرقوم
مانوله ودين حقننده دايى طرفندن بر كونه
ادعايه تصدى ايدلمديكندن دايى مرقومك

مرجعنه مراجعت ومرقوم يوركينك دخى
منصوب محصول ادعائى اثبات ايتلمرى لزومه
داثر اورله بدايت محكمه سندن صادر اولان
اعلام عليهنده مرقوم مانول قوقوله طرفندن
محكمه مذكوره بللمراجعه استيناف دعواسنه
قياس ايدلسى اوزرينه محكمه مذكوره چه اجرا
قلنان محاكمه وتدقيقات نتیجه سنده امر مزايده نك
بر قاج ايلر دوامى وبيع وقرانك دوريه وكيلى
معرفيله اجراسنه طرفينك تحت تصديقنده
بولسان اوراق رسميه مندرجاتندن بولنديني
حالده بيع مذكورك فسخره قرار ویرلسى وداین
مرقوم مانول قوقوله مال مرهونى قانون
داثر سنده صانديره رق تحت ميبعدن بحق استيفاي
مطلوب ايتمش ايكن مشتريك مرقوم مانوله
لزوم مراجعتنه حكم ايدلسى قانونه مغاير
ونقصانى تدقيقاتن معدود بولنوب فقط مشترى
مرقوم ينانى حكم واققى قبول ايله بويابده
بر كونه اعتراضده بولنماسنه مبنى حكم مذكورك
بالكز مستأقف مرقوم مانوله تاند اولان
جهتك فسخره حكمنده ومستدعى تميزك
اشبو اعلام عليهنده لايحه سنده محرر باشلوجه

اعتراضاتی دعوی واقعه در حقوق عمومی
 بولندی حاله کیفیت مرجعه حواله
 ایدلماشی و حکم واقع بر ماده قانونیه به استناد
 اولنماشی مغایر قانون اولدیغندن بجهت اعلام
 نقضی استدعاسندن و بمنزله وکیلک نتیجه
 جوابی اعتراضات مذکورک غیر وارد
 اولدینی بیانیه ردی و اعلامک تصدیق طلبندن
 و معاون موسی الهک مطالعه می دخی لایحه
 تمیزیده سائر اعتراضات میانده حقوق
 عمومی دن بحث اولنمده ایسه بدایه جریان
 ایدن محاکمه ده بوجهت حقنده سرد اعتراضات
 ایدلماش اولسنه منی عند التمز بیان مطالعه
 محل کوریه مدیکی بیانندن عبارت بولنمشدر .

ایجابی مذاکره اولنمده اعلام مذکور
 مالنندن منضم اولدینی اوزره مرقوم یورکی ایله
 دابن مانول قوقوله بیننده تحسنت ایتیش اولان
 الاجق دعواسنک هنوز فیصا پذیر اولماسنه
 و مذکور باغک رهنیتندن تکون ایدن دعوی
 واقعه نک ایسه سالف الذکر الاجق دعواسنک
 فرعی بولنسنه کوره ذکر اولنان باغک معامله

قلعه سلطانیه سنجاغی پدایت محکمه سی جزا
 دائره سنک فی ۲۷ ربیع الاول سنه ۳۱۱ وفی
 ۲۵ تشرین اول سنه ۳۰۹ تاریخ وسکسان
 نومرولی اعلامی باش مدعی عمومیک ماموریت
 علیه سنندن فی ۹ رجب سنه ۳۱۱ وفی ۵
 کانون ثانی سنه ۳۰۹ تاریخ وایکیبک سکز یوز
 قرق ایکی تبلیغنامه ایله مع متفرعات محکمه تمیز
 جزا دائره سنه کوندردلیدیکندن مطالعه قلندی .

اعلام مذکورک مالی جمال اوخانس ولد
 مرادک قتلندن طولای اتهم اولنان کیغورق ولد
 قره بت وخورشید ولد وارطانک قانون جزانک
 یوز یتیش دردنجی ماده سننه تطبیقاً اون بشر
 سنه مدته کورکه قونلمرینه حکم اولندیغنی
 حاوی اولوب تبلیغنامه ده دخی مقوله هر
 قدر ایکی جریجه کورلمش ایسه ده بو حریمه لک
 هر ایکی سنک بر آت ایله ایقاع اولنش اولمی
 احتمالی راپورنک روش مندرجاتندن استدلال
 اولنش اولسلیله بوجهت فنیه نک معاینه یی اجرا
 ایدن طیبیدن وخورشیدک ویریلان افاده سننده
 فعل قتل حقنده ضراحت اولدینی کی کیغورق
 اقراری مقابله یه دائر اولسنه وکیغورقک مقوله

قبل الوفات ارانه اولندیغنی وقت آکا خطاباً بنم
 اوستمه بچاق ایله هجوم ایتدک بنده قورقدم
 انک ایچون اوردم جوابی ویریکی سویلمسنه
 منی بو جهنک اولوقت حاضر بولنان شاهدلردن
 بالتصدیق استیضاح و عکس حاله قتلک
 مرقومانندن صدورینه نه سبب اوله بیله جکنک
 دخی کندولرینک حال و شانلریله برابر اریجه
 تحقیق لابد ایکن نقصان براغش اولدیغندن بجهت
 اعلام مذکورک نقضی طلب اولنمشدر .

اوراق سائر دخی قرائتله تدقیقات تمیزیه
 لدی الاجرا ماموریت مشار الیه تک تبلیغنامه سننده
 محرر اعتراضات وارد و بجا و نقض حکمی موجب
 اسباب قانونیه دن کولمکله اصول محاکمات جزائییه
 قانونک اوچوز اون دردنجی ماده سننه تطبیقاً
 حکم مذکورک بر موجب طلب نقضه وایکیبوز
 غروش اعلام خرجنک بالاخذ محکمه تمیزه
 لزوم ارسالنه فی ۲۶ کانون ثانی سنه ۳۰۹
 تاریخنده قرار ویرلدی .

اعلان

غلطه کمرکی اختلاسائند انطولای مظلون
 علیهم اولوب غیر موقوف بولنسان اورته بویلی
 صاری الا کوزلی دوز ان قرال قاش و سیوری
 برون و قرال بیق و صقاللی بیوک اغزلی اسمر
 بکزی غلطه ده پنجشنبه بازارنده شیشخانه
 زوقاغنده اون الی نومرولی خانه سنده ساکن
 سابق غلطه کمرکی قبوجیسی اونوز سکز یاشنده
 داوید ولد ناطان واورته بویلی صاری الا کوزلی
 دوز ان یصی برون بیوک اغز سیاه قاش و بیق
 و صقاللی بغدادی بکزی درعلیده ایاصوفیه ده
 اسکوبی محله سنده اون طقوز نومرولی خانه ده
 مستأجر آ ساکن سابق غلطه کمرکی قبو مأموری
 رفیق عن اصل اسپارته لی قرق بش یاشنده
 حاجی حسن فهمی افندی ابن حسن واورته
 بویلی صاری الا کوزلی دوز ان قرال اینجه
 چایق قاشلی اوفق برون و اغز مطروش چکلی
 بغدادی بکزی درعلیده جفال اوغلده جزری
 قاسم پاشا محله سنده اون ایکی نومرولی خانه ده
 مستأجر آ ساکن سابق غلطه کمرکی استماطور

معاونی یکرمی بش یاشنده عثمان نوری افندی
 ابن احمد واورته بویلی صاری الا کوزلی دوز
 ان واورته برون و اغز بیاض صاج و بیق و صقال
 و اسمر بکزی ایارباشده چشمه ارقه سی زوقاغنده
 یکرمی اوچ نومرولی خانه ده متصرفاً ساکن
 اولوب غلطه کمرکی سابق استماطور معاونی التمش
 بش یاشنده بکر حلمی افندی ابن اجماعیک
 حرکتلری قانون جزایک التمش سکزنجی
 واوزون بویلی صاری الا کوزلی دوز ان سیاه
 قاش و بیق و صاج و صقاللی بیوک برون و اغزلی
 اسمر بکزی فندقلیده الحاق دام محله سنده ویشنه
 زوقاغنده طقوز نومرولی خانه ده متصرفاً ساکن
 سابق غلطه کمرکی ایکنجی کابی عن اصل بلونه لی
 قرق یاشنده محمد بک ابن عثمان افندی و قبصه بویلی
 صاری الا کوزلی دوز ان قرال قاش و صاج
 و بیق بیوک برون و اغز و بیاض یوزلی فاتحه ده
 خواجه حیر الدین محله سنده امیر بخاری زوقاغنده
 زوقاغنده اون بش نومرولی خانه ده ساکن سابق
 غلطه کمرکی مبصر لرندن عن اصل قریملی قرق
 سکز یاشنده عبده افندی ابن احمد واورته
 بویلی صاری الا کوزلی دوز ان بیوک برون
 و اغزلی قرال قاش و بیق و صاجلی مدور مطروش
 چکلی اسمر بکزی قاضی قریه سنده فارد

اخلامورده ماریاک خانه سنده مستأجر آ ساکن
 غلطه کمرکی مبصر لرندن اوتوز سکز یاشنده
 جوان افندی واورته بویلی صاری الا کوزلی
 دوز ان بیوک برونی قرال قاش و صاج و بیق
 بیوک اغزلی اسمر بکزی درعلیده داود پاشده
 کورکچی باشی محله سنده بوستان زوقاغنده یکرمی
 بش نومرولی خانه ده متصرفاً ساکن غلطه کمرکی
 محاسبه قلمنده الیوم حساب مأموریتده بولنسان
 الی ایکی یاشنده ابراهیم ادهم افندی بن حسین
 واورته بویلی صاری الا کوزلی دوز ان سیاه
 قاش و صاج و بیق و صقاللی چیل یوزلی بیوک
 برونی و اغزلی بغدادی بکزی غلطه ده عرب
 جامه شریفی جوارنده مینا زوقاغنده طقوز
 نومرولی خانه ده متصرفاً ساکن اولوب الیوم
 غلطه کمرکی محاسبی قرق بش یاشنده محمد وهبی
 افندی ابن ابراهیم واورته بویلی الا کوزلی دوز
 ان قرال چاق قاشلی اوفق برون و اغزلی مدور
 چکلی بغدادی بکزی درعلیده حصکیده حصکی
 جامه شریفی دروننده مؤذن مشروطه خانه سنده
 مستأجر آ ساکن سابق غلطه کمرکی بومیه و اشپای
 عینیه مقیدی اوتوز اوچ یاشنده احمد جدی افندی
 ابن احمد واورته بویلی صاری الا کوزلی دوز
 ان قرال قاشلی یصی برونی بیوک اغزلی قرال

بیق و صقاللی بغدادی بکزی فندقلیده الحاق دامده
 ویشنه زوقاغنده یکرمی ایکی نومرولی خانه ده
 ساکن غلطه کمرکی اراجیلرندن عن اصل
 اسپارته لی الی سکز یاشنده کوچک محمد اغا ابن
 مصطفانک حرکتلری دخی قانون مذکورک یوز
 الی ایکنجی واورته بویلی اچیق مائی کوزلی
 دوز ان صاری قاش بیوک برون بیوک اغز بیاض
 بیق و صقاللی قرمزلی یوزلی حاصکوبده بری
 یاشاده دره زوقاغنده اوتوز بدی نومرولی
 خانه ده متصرفاً ساکن اولوب درسه ادا تده
 میوه خوش خاتنده بش نومرولی اوطه ده
 قومیس یوخیلق ایدن تبعه دولت علیه دن الی
 یاشنده نسیم قوهن ولد شاهک حرکتلری دخی
 قانوننامه مذکورک قرق شنجی و التمش طقوزنجی
 ماده لری احکامی مستلزم افعال جنائیه دن
 بولندیقنه بناء اصول محاکمت جزایه قانوننک
 مواد مخصوصه سی احکامنه توفیقاً جنایت محکمه
 علیه سنده فراری حاکی افندی ایله برکنده
 محاکمه لری اجرا اولمق اوزره جنایتله اتهام لری نه
 قرار ویرلدیکندن مومی الیهمک هر نره ده
 کوریلورسه طویلوب محکمه مذکوره توفیقخانه سنه
 تسلیم لری لازم کله چکی بالجله ضابطه عدلیه

مأمور لرینک معلومی اولمق اوزره اشبو اخذ کرفت
مذکره درسمات هیئت اتهامیه سندن بانتظیم
اعطا قلندی .

فی ۱۹ شباط سنه ۳۰۹

امیر بخاری درگاه شریفی پوست نشینی شیخ
خیل جمال افندی بی تهدید واحافه ایله یکی ادعا
سیله مظنون عایه اولوب وادی فرارده بولنان
اورته بویلی قره کوزلی وقاشلی قره بیقلی اسمر
بکزی سیوری چکه لی اورته اغز و بورونلی
طلبه علومدن حافظ محمد افندیک فعل مذکور
جرائی اکلا شلمش وحرکتی قانون جزانک یوز
طقسان برنجی ماده سی فقره اولاسی حکمنی
مستلزم افعال جنایه دن بولنمش اولمغه اصول
محاکات جزائیة قانوننک مواد مخصوصه سنه توفیقاً
درسمات جنایت محکمه علیه سنده محاکمه سی اجرا
اولمق اوزره جنایتله اتهامنه قرار ویرلدیکندن
متهم مرقوم هر زرده کوریلور ایسه اخذ کرفتله
محکمه مذکور توفیقخانه سنه تسلیمی لازم کله .

چکندن بالجمله ضابطه عدایه مأمور لرینک
معلومی اولمق اوزره اشبو اخذ وکرفت
مذکره سی درسمات هیئت اتهامیه سندن بانتظیم
اعطا قلندی

فی ۱۷ شباط سنه ۳۰۹

قیو محی بدروسک دلال سحاق ذمتده
درسمات برنجی حقوق دائره سی اعلامیه
الاجنی اولان مبالغ معلومه نک تأمین استیفاسی
ضمننده مرهون و فروختی محکوم بولنان صمابه
یغور تخانه زقا غنده کائن ۵۳ نومرولی خانه نک
النمش بر کون اجرا قلنان مزایده نتیجه سنده
لیرای عثمانی یوز غرو شدن اولمق اوزره
درتیک یوز غرو شده طالی عهده سنده تقرر
ایتمش ومدت مزایده نک انقضاسنه مبنی موقفاً
قرار داده سی کشیده قلنمش اولد یقندن بوندن
زیاده یه یعنی بوزده بش ضمیله طالب اولمک ودها
زیاده معلومات المق استیانلرک تاریخ اعلان
اعتباراً او توز بر کون ظرفنده اجر دائره سنه
مراجعتله پی سورملری لازمکله چکی ومدت

مذکورہ نک انقضاسی متعاقب قرار قطعیسی
کشیده قانہ جمعندن اندلصکره ضم وقوع بولورسه
قبول اولمیه جنی درسمات اعلامات نظامیه اجرا
دائره سندن اعلان اولنور

فی ۱۷ شباط سنه ۳۰۹

متوفی محمود جمیل بک ورثه سنک مصطفی اغا
ذمتده محکمه تقنینی ویریلان ۲۲ ذی القعدہ
سنه ۳۰۲ تاریخی برقطه ادانہ حجتی موجبجه
الاجنی اولان مبالغ معلومه نک تأمین استیفاسی
ضمننده مدیون مومی الیهک عهده سنده اولوب
مرهون و فروختی محکوم بولنان استانبولده انخی
جایی محله سنده قاسم پاشا اسکله سی جاده سنده
کوشه باشنده اون بش نمره ایله مرقم بر باب قوری
یشجی دکانی درونسنده موجود کدکک اشبو
تاریخ اعلان اعتباراً اون بش کون صکره
فروخته تشبث اولنه جمعندن طالب اولمک
پی سورمک و بوندن دها زیاده تفصیلات المق
استیانلرک مدت مذکور ختامندن صکره
درسمات اعلامات شرعیہ اجرا دائره سنه
مراجعت ایلملری

فی ۲۲ شباط سنه ۳۰۹

ککبوزه قصبه سی اهایسندن قهوه چی عثمان اغا
زوجه سی صدیقہ خاتونک قصبه مذکور
هایسندن حاجی مصطفی زوجه سی امینه و کریمه سی
زینتی خاتونلر ذمتلرنده مصارف محاکمه دن طولایی
اله جنی اولان مبالغ معلومه نک تأمین استیفاسی
ضمننده مدیون مذبورہ تانک قصبه مذکورک
حاجی احمد جوارنده واقع طرفلری اسبق
ککبوزه بدایت محکمه سی باش کاتبی مصطفی
افندی باغی و بر طرفی حاجی مصطفی زوجه
سی امینه خاتونک متوفی حاجی مصطفی باغندن
مفرز ایکی پارچه باغک طرفلری ایوب اوغلی
مصطفی ترلاسی و بر طرفی عزت اغا باغی ایله
محدود تخمیناً بر بچق دونم مقداری ایکی پارچه
باغی اصولاً دائن مزبورہ طرفندن تحت حجزه
الدریش اولدیقندن املاک مذکورہ نک اشبو
تاریخ اعلان اعتباراً اون بشر کون صکره
فروخته تشبث اولنه جنی ککبوزه بدایت
محکمه سی اجرا دائره سندن اعلان اولنور

۲۲ شباط سنه ۳۰۹

ملازم صالح افندیک بکقوز بدایت محکمه سی
اعلامی موجبنه عمرلی قریه سنده مقیم معون
اوغلی صالح اغا ذمتده الاجنی اولان مبالغ محکوم

وقوع بولورسه قبول اولمیه جنی درسمادت
اعلامات نظامیه اجرا دژرسندن اعلان اولنور
فی ۲۸ شباط سنه ۳۰۹

دوویلا قسطنطینک قرق کلیسا تجارت
محکمه سندن استحصالی ایله یکی فی ۳۰ مارت
سنه ۳۰۵ تاریخی اعلام موجبجه متوفی نیقوله
خرستوفیدی ذمتنده محکوم به اله جنی اولان
معلوم المقدار مبالغتک تأمین استیفاسی ذمتنده
متوفی مرقوم ورنه سنک انتقالاً متصرف
اولدقلری بوغاز ایچنده یکی کویده ایاتیقوله
محلله سنده کوی باشی جاده سنده ایکویوز اون ایکی
نومرولی اللی زراع برر دکان عرصه سیله
ایکیوز اون ددت نومرولی یکرمی زراع میخانه
عرصه سنده بش سهم اعتباریله متصرف
اولدقلری ایکی بحق سهم حصه شایعه سی درتیک
بشیوز غروش التون بدل ایله طالی عهده سنده
تقرر ایتمش اولدیغندن تاریخ اعلاندن اعتباراً
اوتوز بر کون ظرفنده بدل مذکور وزیریه
بوزده بش ضمیله طالب اولنلرک نک اوغلی
بدایت محکمه سی اجرا مأموریتی جانبیه مراجعت
ایتملی اعلان اولنور .

فی ۲۸ شباط سنه ۳۰۹

(مطبعة عامروده طبع اولمشدر)

بهک تسویه سی ذمتنده مدیون مومی الیهک محل
مذکورده کائن متصرف اولوب اولجه تحت جیره
النان معلوم المقدار والحدود قهوه وبقال دکاننده
اولان حصه شایعه سی تاریخ اعلاندن اعتباراً
اوتوز بر کون صکره مزایده وضع اولنه جنی
بکفوز اجرا دژرسندن اعلان اولنور .

فی ۲۶ شباط سنه ۳۰۹

علی خسرو افندینک درسمادت بدایت
محکمه سی ایکنجی حقوق دژرسندن متوقفا
بانقو مارقونک صغیره کریمه سی ماطیونک وصیسی
ووالده سی ایقه قادین علیه نه استحصالی ایله یکی
اعلام موجبجه مرهون و فروخی محکوم بولنان
قارده عبدی صوبائی محلله سنده مکتب زقاغنده
واقع درت نومرولی خاننک التمش بر کون اجرا
قلندان مزایده نتیجه سنده لیرای عثمانی یوز
غروش حسابیله اون ایکی بیک بشیوز غروشده
طالی عهده سنده تقرر ایتمش ومدت مزایده نک
انقضاسنه منی موقتاً قرار داده سی کشیده قلنمش
اولدیغندن بوندن زیاده به یعنی یوزده بش ضمیله
طالب اولنلرک ودها زیاده معلومات المقی استیانلرک
تاریخ اعلاندن اعتباراً اوتوز بر کون ظرفنده
دائرة اجرایه مراجعتله پی سورملری لازم
کله جکی ومدت مذکورک انقضاسنه متعاقب قرار
قطعیسی کشیده قلنه جغندن اندن صکره ضم